



圖牆面个天神爺

三湖頂个伯公有圖牆，圖牆面个天神爺香位就在伯公个正頭前，一尋長闊邊仔个大門在圖牆个龍片。頭擺，在這山頂，聽人講發生過當多佬出世前个故事；見擺，行人有歷史个圖牆，佬都有一種時光旅行个感想。

想起頭過，姐公禾埕个圖牆面乜有天神爺。圖牆面還有天神爺掌等个時節，姐公總係叮嚀佬兜細不仔：「你兜毋好蹶上圖牆吓，會謙著神明哦！」後來，天神爺徙位地，徙到正廳外背个左片壁面。姐公還係無分佬兜細啞仔蹶厥圖牆，佢講：「細妹人，做毋得蹶人个圖牆！」「做毋得踏人个戶檻！」「做毋得坐人个戶檻！」

你問佬，做麼个恁番綻，愛蹶人个圖牆？因為啊，姐婆个問，就在正廳个右手片，係蹶圖牆，就毋使迂去左片个大門，做得省兩步腳。該，有凳仔毋坐，又去坐人个戶檻做麼个？該就係吾姐公个问题！佢起个老屋，戶檻係洗石仔个，熱天時節屎脰擲落去，正經當涼哦！這兜阿公講過「做毋得」个事情，哪隻細猴仔無聽人講，天神爺全部都有看著。

莊項个大伯公，無圖牆。天神爺个香位，單淨係一個放在天下个香爐。該個石頭个香爐，在伯公下等等佬兜細人仔出世、看佬兜細人仔大咁、又老咁，包尾，佢自家乜毋見忒哩。天神爺个香位，就分人徙到伯公左手片个壁面項。過地，又有誠心个鄉親拗一個當大、當派頭个「天公爐」轉來奉獻。故所，佬兜个伯公下，有分人徙位个「天神爺」，乜有新買个、派頭个「天公爐」。客家人个天神爺摺學老人个天公爐，敢毋係共樣个神？敢毋係，就係頭過客家人服祀在圖牆面个天神爺、學老人吊在廳下牛嫲梁个天公爐？佬乜搞毋清楚！過想，香就會過忒哩啲，拜，就著哩！

該日，佬去臺北做事，恁堵好，堵著苗栗來个賽夏族原住民先生，佬兜共下食便當。一頭先，佬兜用華語對話，你你佬佬有兜仔生份；後來，共板个客家話走出來，便當面項嘖嘖啾啾，有佬兜个講笑聲，還過，三樓外背樹頂个鳥仔聲。成時，在佬兜个目神仔裡肚，仰，會看著熟事个身影？係哪個鄰舍？還係哪個親族？毋知啦，反正就有一種毋知係麼个親个感想。一時間，佬个心又去到山頂个伯公下。該圖牆面个天神爺還係孤身企在該，在遠遠个山林頂、在闊闊个天摺地中間，佢做佢遠遠个守顧大家，佬兜做佬兜食飯、燒話屎，在靚靚个日頭下。

作者：彭瑞珠

☆詞彙學習☆

【細不仔】se bud eː：小孩子。

【蹶】kiam：跨。

【戶檻】fuˊ kiamˊ：門檻。

【(屎脰)擲落去】deb log hi：跌坐下去。

【天下】tienˊ haˊ：屋外無遮蔽的當天之處。

【服祀】fug sii：奉祀。

【牛嫲梁】ngiuˊ maˊ liongˊ：屋內橫過中柱的大梁。

【香過忒】hiongˊ go tedˊ：香燒完。

【一頭先】idˊ teuˊ xienˊ：一開始。

【共板】kiung banˊ：一樣、同樣。

【目神仔】mugˊ siinˊ eˊ：眼神、眉宇之間。

【燒話屎】seuˊ fa siiˊ：指打屁閒聊。